

## GJALDSKRÁ

fyrir eftirlit með öryggisráðstöfunum á vinnustöðum.

### 1. gr.

Eigendur eða umráðamenn eftirlitsskyldra atvinnufyrirtækja skulu árlega greiða gjald í ríkissjóð fyrir eftirlit með verksmiðjum, vinnustöðum og vélum, svo sem hér segir:

#### A. Persónugjald:

Fyrir verkamann eða konu, sem vinnur í fyrirtæki, skal greiða árlega kr. 180.00.

Skal tala verkafólks miðuð við það, sem hún er þegar fyrirtæki er í fullum gangi við venjulegan rekstur, t.d. vertíðarrekstur frystihúsa eða síldarverksmiðju.

#### B. Eimkatlar og hylki fyrir þrýsting:

##### 1. flokkur: Gjald kr. 1000.00.

Lágþrýstieimkatlar með allt að 2 kg/cm<sup>2</sup> þrýstingi og katlar með hærri þrýstingi, sem hafa allt að 2 m<sup>2</sup> hitaflöt. Opnir eimhitaðir geymar og lokuð eimhituð hylki með allt að 2 m<sup>3</sup> rúmtaki. Þrýstiloftshylki og hylki fyrir aðrar gastegundir með allt að 2 m<sup>3</sup> rúmtaki.

##### 2. flokkur: Gjald kr. 1500.00.

Eimkatlar, sem hafa meiri þrýsting en 2 kg/cm<sup>2</sup> og eru með hitafleti frá 2 m<sup>2</sup> til 30 m<sup>2</sup>. Lokuð eimhituð hylki, sem hafa stærra rúmtak en 2 m<sup>3</sup>. Eimhitaðir suðukatlar og þurrkarar. Þó suðuketill eða þurrkari sé með hræribúnaði eða öðrum hreyfibúnaði reiknast aðeins gjald vegna aflvélar, en ekki vegna vélbúnaðar. Reykhitaðir forkatlar og yfirhitunarkerfi. Þrýstilofshylki og hylki fyrir aðrar gastegundir með þrýstingi meira en 2 m<sup>3</sup> rúmtaki.

##### 3. flokkur: Gjald kr. 4000.00.

Eimkatlar með meira en 30 m<sup>2</sup> hitafleti.

#### C. Aflvélar:

Af hverju hestafli aflvélar greiðist kr. 32.00.

Fyrir hvern rafmótor, sem notaður er til aflyfurfærslu frá eigin rafstöð fyrirtækis greiðist kr. 32.00.

#### D. Vinnuvélar:

##### 1. flokkur: Gjald kr. 32.00.

Dætur sem nota allt að 5 hö., ádráttarsteinar (smergelskífur). Fægivélar, skósmíða- hnappagatavélar, sníðavélar, saumavélar, leðurgerðarvélar, loftblásarar undir 2 hö.

**2. flokkur: Gjald kr. 120.00.**

Dætur sem nota frá 5 til 10 hö., hræritæki í kerjum, málmsmíðavélar, loftblásarar yfir 2 hö., plastiðnaðarvélar, gúmmigerðarvélar, reykblásarar, þrýstiloftspjöppur allt að 5 hö., brjóstssykurgerðarvélar, gosdrykkjagerðarvélar, bókbandsvélar, mjólkurstöðvarvélar, brauðgerðarvélar, skógerðarvélar, þrjónavélar, roðflettivélar, marningsvélar, færíbönd 2—5 m. að lengd.

**3. flokkur: Gjald kr. 300.00.**

Trésmíðavélar, prentvélar, vökvapþrýstipressur, hjámiðjuþrýstipressur, skrúfu-pressur, niðursuðuvélar, sápugetarvélar, málningagerðarvélar, fataþvottavélar, gæru-rotunarvélar, sítunarvélar, steinsmíðavélar, grjótmulningsvélar, flöskuáfyllingarvélar, síldar- og fiskimjólsvélar, olíuskilvindur, ullarþvottavélar, flókagerðarvélar, tuskutætarar, dætur yfir 10 hö., hampvinnsluvélar, pappagerðarvélar, fiskþvottavélar, pönnufrýstítæki, færíbönd 5—10 m. l.

**4. flokkur: Gjald kr. 600.00.**

Ullarvinnsluvélar, skipadráttarvindur, einfaldar lyftivindur, þrýstiloftspjöppur 10 hö. og meira, gasframleiðslutæki, flöskuþvottavélar, matarlyftur að 50 kg. Færíbönd 10 m og lengri, lokubúnaður í vatnsorkuverum, rækjupillunarvélar, hausunarvélar.

**5. flokkur: Gjald kr. 1200.00.**

Brettatrillur og brettalyftarar, bifreiðalyftur, sjálfvirkar pappaprentvélar, vöru-lyftur 50—350 kg. Rúllustigar, sýningarklefar, malaraskólar, verkpallar í strengjum, steypuhrærivélar, flatningsvélar, flökunarvélar, skipadráttarvagnar, tvíbrauta lyftibúnaður, málmbræðsluker með hreyfibúnaði. Fisklöndunartæki (grabbar).

**6. flokkur: Gjald kr. 3000.00.**

Fólkslyftur og aðrar sjálfvirkar lyftur með fallhæmlum, fallhamrar (aflvélagj. innifalið). Vöru-lyftarar með sæti, vöru-lyftur yfir 350 kg, færibrautir í sláturhúsum.

**7. flokkur: Gjald kr 4000.00.**

Dráttarvélar, vegahjöppur, vegheflar og aðrar vegagerðarvélar, jarðýtur, ámokstursvélar, skurðgröfur og aðrar svipaðar vélar, litlir farandkranar (bómul. minna en 8 m, lyftigeða minna en 2 tonn). Litlar steypustöðvar.

**8. flokkur: Gjald kr. 6000.00.**

Farandkranar, byggingakranar, fisklöndunarkranar, malarvinnslusamstæður og aðrar svipaðar vélar, steypustöðvar stórar.

**E. Frýstivélar:****1. flokkur: Gjald kr. 300.00.**

Frýstivélar með allt að 10 000 kcal/h afköstum.

**2. flokkur: Gjald kr. 800.00.**

Frýstivélar með 10 000 til 20 000 kcal/h afköstum.

**3. flokkur: Gjald kr. 1400.00.**

Frýstivélar með 20 000 til 50 000 kcal/h afköstum.

**4. flokkur: Gjald kr. 3000.00.**

Frýstivélar með yfir 50 000 kcal/h afköstum.

**F. Byggingamannvirki og verkpallar:**

Vegna byggingamannvirkja, sem eru í smíðum, greiðist kr. 1.60 af hverjum rúmmetra þess. Heimilt er þó að veita 50% afslátt af gjaldi af stórum byggingum með mjög litlum innréttingum.

Ef verkpallar eru notaðir við endurbætur, lagfæringar eða málun húsa eða skipa eða við hleðslu á vörum, greiðist kr. 6.00 fyrir hvern hlaupandi lengdar-metra verkpalls. Þó skal ekki greiða gjald af verkpöllum, sem eru í minna en tveggja metra hæð frá jörðu.

#### G. Losun og lestun:

Í hvert sinn, sem skip kemur frá erlendri höfn eða affermir vörur hér við land skal það greiða gjald vegna öryggiseftirlits þannig:

Skip, sem eru 100 til 1000 brúttólestir greiði kr. 2 000.00
Skip, sem eru 1000 til 2000 brúttólestir greiði — 4 000.00
Skip, sem eru 2000 til 3000 brúttólestir greiði — 6 000.00
Skip, sem eru 3000 brúttól. og þar yfir greiði — 8 000.00

Er viðkomandi embættismönnum falið að innheimta eftirlitsgjaldið samkvæmt gjaldskránni með öðrum skipagjöldum við tollafgreiðslu skipanna við komu þeirra frá erlendri höfn, enda verði gjöldin aðeins tekin þar sem eftirlitsmenn eru starfandi.

Skip, sem fermir eða affermir vörur í strandferðum, skal einu sinni fyrir hvern mánuð, sem það siglir milli hafna greiða gjald skv. gjaldskránni, enda hafi það ekki flutt vörur milli Íslands og annarra landa á sama tíma.

Gjald skv. 3. mgr. innheimtist eftir reikningi, sem Öryggiseftirlit ríkisins gefur út með sama hætti og önnur gjöld fyrir öryggiseftirlit á föstum vinnustöðum.

#### H. Húsakynni án véla:

Fyrir íbúðarskála verkafólks greiðist kr. 12.00 af hverjum fermetra gólfplat. Fyrir hverja eftirlitsskylda vinnustofu án véla, svo sem saumastofur, þvottahús, netagerðarstofur, seglasaumastofur, vinnustofur í frystihúsum, sláturhús o. s. frv., greiðist kr. 6.00 fyrir hvern fermetra gólfplat. Fyrir viðáttumikil vinnuhús, þar sem tiltölulega fáir vinna að staðaldri, svo sem fiskþvottahús og opin vinnuskýli, greiðist kr. 3.00 fyrir hvern fermetra gólfplat.

#### I. Hávaðamæling, gasmæling eða þrýstiraun rýma, kerja eða geyma og önnur sérþjónusta:

Fyrir hverja hávaða- eða gasmælingu rýmis, kers eða geymis í landi greiðist kr. 2 000.00.

Fyrir gasmælingu oliugeyma í skipum greiðist kr. 2 000.00 fyrir fyrsta geymi og síðan kr. 750.00 fyrir hvern geymi. Fyrir gasmælingu vélarúms eða dælurúms greiðist ekki gjald, nema eingöngu sé mælt í því. Sé gasmæling eða önnur þjónusta framkvæmd utan hins reglulega vinnutíma öryggiseftirlitsins samkvæmt ósk eiganda eða notanda geymis eða skips, skal hann greiða þeim starfsmanni öryggiseftirlitsins, sem þjónustuna framkvæmir, yfirvinnu þá sem þjónustan leiðir af sér.

Fyrir þrýstiraun katla eða geyma, sem eru minni en 2 m<sup>3</sup> að rúmtaki eða með minni þrýsting en 2 kg/cm<sup>2</sup> greiðist kr. 1 200.00 en fyrir stærri katla kr. 1 600.00.

#### 2. gr.

Fyrir vinnuvélar, sem ekki eru nefndar í gjaldskránni, greiðist hlutfallslega eftir því hve stór og margbrotin vélin er, frá kr. 32.00 til kr. 6 000.00.

Þó skoðun fari fram oftar en einu sinni á ári, greiðist skoðunargjald aðeins einu sinni, nema framkvæma þurfi auka eftirskoðun vegna vanrækslu á framkvæmd fyrirskipaðra umbóta, en fyrir slíka skoðun greiðist fullt gjald sbr. 10. gr. starfsreglna fyrir Öryggiseftirlit ríkisins.

## 3. gr.

Vegna meðferðar hættulegra efna, sbr. lög nr. 85/1968 um eiturefni og hættuleg efni og reglugerð nr. 455/1975 um eftirlit með framkvæmd ákvæða sömu laga, greiði eftirlitsskyld fyrirtæki, sem nota, flytja, framleiða eða geyma þessi efni, tvöfalt persónugjald, samanber A-lið þessarar gjaldskrár og auk þess fast gjald kr. 8 000.00.

## 4. gr.

Reynist tekjur eftirlitsins ekki nægar samkv. gjaldskrá þessari, til þess að standa undir kostnaði við framkvæmd eftirlitsins, er öryggismálastjóra heimilt, að fengnu samþykki ráðuneytisins, að hækka gjöldin um allt að 25% eftir því, sem með þarf.

## 5. gr.

Þegar teikningum af fyrirhuguðum breytingum fyrirtækis eða fyrirkomulagi fyrirtækis, sem fyrirhugað er að reisa, eru sendar eftirlitinu til umsagnar, greiðist ekki gjald fyrir umsögnina. Þurfi eftirlitsmaður, að ósk eiganda að takast sérstaka ferð á hendur vegna umsagnar um öryggismál, úttektar eða fyrirkomulags utan hinna áætluðu skoðunarferða skal eigandi greiða þann kostnað, sem af ferðinni leiðir.

## 6. gr.

Fyrir önnur störf en þau, sem gjaldskráin gerir ráð fyrir en eðlilegt eða skylt er að stofnunin gegni, greiðast gjöld með hliðsjón af gjaldskránni eftir því hve umfangsmikil störfín eru.

## 7. gr.

Fyrirtæki, þar sem fimm verkamenn eða færri vinna eða notuð er orka, sem eigi fer fram úr 3 hö., skulu undanþegin eftirlitsgjaldi, nema annað sé ákveðið af öryggismálastjóra, enda sé vinnu þannig háttað, að eftirlits sé eigi brýn þörf.

Gjaldskrá þessi, sem sef er samkvæmt 47. gr. laga nr. 23 1. febrúar 1952, um öryggisráðstafanir á vinnustöðum, sbr. lög nr. 52 20. maí 1955, um breytingu á þeim lögum, öðlast gildi 1. apríl 1976 og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá fyrir eftirlit með öryggisráðstöfunum á vinnustöðum nr. 312 12. október 1973.

*Dóms- og kirkjumálaráðuneytið, 24. mars 1976.*

**Ólafur Jóhannesson.**

*Jón Thors.*

## REGLUGERÐ

### um möskvastærðir botnvörpu og flotvörpu.

## 1. gr.

Lágmarksstærð möskva í poka botnvörpu og flotvörpu skal vera 155 mm. Ávallt skulu a. m. k. öftustu 8 metrar botnvörpu og flotvörpu vera gerðir úr riðli með lágmarksstöskvastærðinni 155 mm.

Lágmarksstærð möskva í öðrum hlutum botnvörpu og flotvörpu, en í 1. mgr. greinir, skal vera 135 mm.

## 2. gr.

Þrátt fyrir ákvæði 1. mgr. 1. gr. er skipum, sem stunda karfaveiðar, heimilt að